



Халқ сўзи

Ўзбекистон –
келажаги
буюк
давлат

2026 йил – МАҲАЛЛАНИ РИВОЖЛАНТИРИШ ВА ЖАМИЯТНИ ЮКСАЛТИРИШ ЙИЛИ

1991 йил 1 январдан чиқа бошлаган

WWW.XS.UZ

E-mail: Info@xs.uz

2026 йил 5 июль, № 136 (9307)

Якшанба

Сайтимизга ўтиш учун QR-кодни телефонингиз орқали сканер қилинг.



ИСЛОҲОТЛАР НАТИЖАСИ МАҲАЛЛАЛАР ОБОДЛИГИ ВА ОДАМЛАРНИНГ ЎЗ ҲАЁТИДАН РОЗИ ЯШАШИДА НАМОЁН БЎЛМОҚДА

Президент Шавкат Мирзиёев 4 июль куни Тошкент шахрининг Сергели туманига ташриф буюриб, олиб борилаётган бунёдкорлик ишлари ва амалга оширилган лойиҳалар билан танишди. Шунингдек, Тошкент шахри, хусусан, Сергели туманини ижтимоий-иқтисодий ривожлантириш ва маҳаллаларда хавфсиз муҳит яратиш масалалари юзасидан видеоселектор йиғилиши ўтказди.



Давлатимиз раҳбари дастлаб тумanning Иттифоқ маҳалласидаги Янги Сергели кўчасида амалга оширилган ишлар ҳамда савдо ва хизмат кўрсатиш объеклари фаолияти билан танишди.

Туризм ва хизмат кўрсатиш соҳаси кам харажат билан кўп иш ўрни яратиш, аҳоли даромадини ошириш ва ҳудудлар қиёфасини яхшилашда муҳим аҳамиятга эга. Тошкент шаҳрида бу борада катта имкониятлар бор.

Янги Сергели кўчасида ташкил этилган 7/24 тартибида ишлайдиган туризм, савдо ва хизмат кўрсатиш объеклари аҳолига қулай шароит яратиш, тадбиркорликни ривожлантириш ва янги иш ўринлари очишга хизмат қилмоқда.

Лойиҳанинг умумий қиймати 18,7 миллиард сўмни ташкил этади. Кўчанинг 2,1 километр қисмининг инфратузилмаси тўлиқ яхшиланиб, савдо, умумий овқатланиш ва кўнгилочар хизматларни ўз ичига олган куну тун фаолият юритадиган ҳудудга айлантирилди.

Аҳоли дам олиши ва соғлом турмуш тарзини қўллаб-қувватлаш мақсадида 10 дан ортиқ болалар майдончалари, 8 та воркаут зонаси, китоб дўкони ҳамда нуронийлар маскани ташкил этилди.

Ҳудуд атрофидаги 4 та маҳаллада 21 мингдан зиёд аҳоли истиқомат қилади. Янги Сергели кўчасидан кунига ўртача 15 — 20 мингта автотранспорт воситаси ҳаракатланади. Лойиҳа тўлиқ ишга тушгач, йилига 1,2 миллиондан ортиқ ташриф буюрувчиларга хизмат кўрсатиш имконияти яратилади.

Лойиҳа доирасида 250 дан ортиқ янги иш ўринлари очилди. 95 та мавжуд тадбиркорлик субъектининг фаолияти кенгайтирилиб, 22 та янги тадбиркорлик субъекти ташкил этилди.

Давлатимиз раҳбари маҳалла бўйлаб юриб, миллий меъморий услубда таъмирланган хонадонлар, ободонлаштирилган кўчалар ва аҳоли учун яратилган қулайликлар билан танишди. Маҳалла фаоллари ва фуқаролар билан самимий мулоқот қилди.

Президентимиз амалга оширилаётган ишлар аҳоли турмуш даражаси ва фаровонлигига қандай таъсир кўрсатаётгани билан қизиқди. Маҳалла фаоллари бу ўзгаришлар аҳоли кайфияти, турмуш тарзи ва даромадига ижобий таъсир кўрсатаётганини, ҳудуднинг қиёфаси ҳам, одамларнинг эртанги кунга ишончи ҳам ўзгараётганини таъкидлади.

Шундан сўнг Президент Шавкат Мирзиёев Сергели туманида жойлашган “Global International Hospital” хусусий кўп тармоқли тиббиёт марказига борди.

Мамлакатимизда аҳоли саломатлигини муҳофаза қилиш, тиббий хизматлар сифати ва қамровини ошириш давлат сиёсатининг устувор йўналишларидан. Шу мақсадда соҳага инвестициялар жалб этилиб, тиббиётда хусусий сектор фаолияти ҳам қўллаб-қувватланмоқда.

Мазкур замонавий тиббиёт маркази бугунги кунда аҳолига талаб юқори бўлган кўплаб йўналишлар бўйича тиббий хизмат кўрсатиш имкониятига эга.

Марказни барпо этиш учун 30 миллион доллар инвестиция йўналтирилган. Бу ерда йилига 150 минг нафардан ортиқ аҳолига тиббий хизмат кўрсатиш имконияти яратилади. Умумий майдони 0,5 гектар бўлган муассасада йиллик хизматлар ҳажмини 15 миллиард сўмга етказиш режалаштирилган.

Давлатимиз раҳбарига марказ фаолияти тўғрисида тақдимот қилинди. Президентимиз жарроҳлик, реанимация ва даволаш бўлимлари, ситуацион марказда яратилган шароитларни кўздан кечирди.

Лойиҳа доирасида 250 та янги иш ўрни яратилган. Жамоада хорижда малака оширган 10 нафардан зиёд юқори малакали мутахассис ва чет эллик шифокорлар ҳам бор.

Марказ Буюк Британия, Италия ва Германиядан келтирилган замонавий тиббий жиҳозлар билан таъминланган. Хусусан, муассасага “PHILIPS” компаниясининг илғор тиббий технологиялари ўрнатилган.

Давлатимиз раҳбари марказни айрим йўналишлар бўйича таянч

тиббиёт муассасасига айлантириш муҳимлигини таъкидлади. Бу ерда тўпланадиган илғор тажриба асосида шифокорлар малакасини ошириш ва замонавий тиббий хизматлар қамровини кенгайтириш юзасидан мутасаддиларга кўрсатмалар берилди.

Президентимиз марказ ходимлари билан мулоқот қилди. Соҳада меҳнат қилаётган мутахассисларни қўллаб-қувватлаш, хусусий тиббиёт ташкилотлари сонини кўпайтириш ҳамда аҳолига сифатли, замонавий ва самарали тиббий хизмат кўрсатиш масалаларига алоҳида эътибор қаратилди.

Ҳар бир беморга сифатли ва муносиб хизмат кўрсатиш билан бирга, тиббий ва туризм хизматларини уйғунлаштириш зарур. Бу йўналишни кенг тарғиб қилиш, хориж тажрибасини ўрганиб, шифохоналар ҳузурида меҳмонхона инфратузилмасини ривожлантириш керак, — деди давлатимиз раҳбари.

Президентимиз Сергели туманидаги Ўзгариш маҳалласида амалга

оширилган бунёдкорлик ишлари ҳамда ер усти метро йўналиши остида ташкил этилган савдо ва хизмат кўрсатиш объеклари фаолияти билан ҳам танишди.

Инсон қадрини улуғлаш ва аҳоли фаровонлигини таъминлашга қаратилган изчил ислохотлар бугун маҳаллалар қиёфасида, одамларнинг кундалик ҳаётида яққол намоён бўлмоқда.

Ўзгариш маҳалласи бу борадаги янгиланишларнинг ёрқин намунасидир. Ушбу ҳудудда 45 та кўп қаватли уй, 1 минг 620 та хонадон мавжуд. Уларда 6 минг 700 нафардан зиёд аҳоли истиқомат қилади.

Маҳаллада йиллар давомида тўпланиб қолган муаммолар босқичма-босқич ҳал этилиб, замонавий инфратузилма ва қулай ижтимоий муҳит яратилди. Хусусан, 10 та болалар майдончаси, мини-футбол майдони, 2 та саломатлик ҳудуди барпо этилди.

(Давоми 2-бетда).

Ўзбекистон Республикаси Президенти
Матбуот хизмати суратлари.

ҲАЙРАТ УЙҒОТАЁТГАН ҚАДАМЖОЛАР

Аввал хабар берганимиздек, Индонезия Республикаси Халқ маслаҳати кенгаши Раиси Аҳмад Музани бошчилигидаги парламент делегацияси мамлакатимизда бўлиб турибди.

Зиёрат

Ташриф доирасида меҳмонлар Бухоро ва Самарқанд шаҳарларидаги тарихий-маданий обидалар ҳамда муқаддас қадамжоларни зиёрат қилди.

Бухорода делегация аъзолари Баҳоруддин Нақшбанд, Пойи Калон мажмуалари ҳамда Лаби Ҳовуз ансамбли ва қадимий ҳунармандчилик расалари билан танишди. Меҳмонларга ушбу тарихий обидалар, уларни асраб-авайлаш ҳамда қайта тиклаш бўйича амалга оширилган ишлар, шунингдек, миллий ҳунармандчилик анъаналари ҳақида маълумот берилди.

Аҳмад Музани Бухоронинг бой тарихий-маданий мероси, меъморий ёдгорликлари асл қиёфасида сақлаб қолинганини юқори

баҳолаб, шариф шаҳарнинг жаҳон цивилизацияси ривожига қўшган ҳиссасини алоҳида эътироф этди.

Делегация Самарқанд шаҳридаги тарихий ва маданий мерос объекти билан ҳам танишди. Мамлакатимизда тарихий обидаларни асраб-авайлаш, миллий меросни кенг тарғиб қилиш ва туризмни ривожлантириш борасида амалга оширилаётган ишларга юқори баҳо берди.

Шунингдек, меҳмонлар Имом Бухорий халқаро илмий-тадқиқот марказига ташриф буюриб, марказ фаолияти билан танишди ҳамда вилоят диний уламолари билан учрашув ўтказди. Унда маънавий-маърифий ҳамкорлик ва бағрикенглик ғояларини тарғиб этиш масалалари муҳокама қилинди.

«Халқ сўзи».

ТАРАҚҚИЁТГА КУЧ БАҒИШЛАЁТГАН ДИПЛОМАТИЯ

Евроосиё маконида ҳамкорлиكنинг янги архитектурасини шакллантиришда муҳим омиллардан бирига айланмоқда

Ўзбекистон Президенти Шавкат Мирзиёевнинг шу йил 2-3 июль кунлари Грузияга давлат ташрифи натижаларини хорижий экспертлар икки томонлама муносабатларини ривожлантириш ҳамда ўзаро ҳамкорликни янада фаоллаштириш нуктаи назаридан юксак баҳоламоқда.

Дунё нигоҳи

Карлос Уриарте САНЧЕС, Испаниядаги Умумевропа иттифоқи президенти, профессор:

— Ўзбекистон Президентининг Грузияга ташрифи нафақат икки томонлама муносабатлар, балки бутун Евроосиё маконида ҳамкорликни мустақамлаш учун ҳам муҳим аҳамият касб этади. Бун

дай даражадаги давлат ташрифи ўзаро ишонч, очик мулоқотга интилиш ва узоқ муддатли лойиҳаларни биргаликда амалга оширишга тайёрликни намоён қилади.

Грузия раҳбариятининг Ўзбекистон Президентини олий давлат мукофоти — “Олтин мўйна” ордени билан тақдирлаш тўғрисидаги қарори таҳсинга сазовор.



ҚАЛБИМИЗНИ НУРЛАНТИРГАН ХУШХАБАР

— Дадаси, суянчи беринг, ҳовлимизга келаётган бадбўй ҳидни йўқотишаркан. Шошиб уйга кирдим, ҳамманинг кўзи телевизорда.

Президентимиз Сергели туманига ташрифи давомида ҳудудни ижтимоий-иқтисодий ривожлантириш ва маҳаллаларда хавфсиз муҳит яратиш масалалари юзасидан

Дил сўзи

Қалбимизни нурлантирган хушхабар бир зумда бутун маҳаллада овоза бўлди. Бир-би-

видеоселектор йиғилишида Сергели ва Янгиҳаёт туманлари аҳолисини қийнаб келаётган сув тозалаш иншооти атрофидаги бадбўй ҳид масаласига эътибор қаратди. Мутасаддиларга 1 сентябргача оқова сув қабул қилиш иншоотида замонавий филтёрлаш ускуналарини ўрнатиб, мазкур муаммони бартараф этишни топширди.

Аслида, ҳудудда одамлар саломатлигига, кайфиятига салбий таъсир кўрсатиб келаётган бу му-

ТАШҚИ СИЁСАТИМИЗНИНГ ЮКСАК ЭЪТИРОФИ

Президентимиз Шавкат Мирзиёевнинг Грузия Республикасининг олий давлат мукофотларидан бири — “Олтин мўйна” ордени билан тақдирлангани нафақат давлатимиз раҳбари фаолиятининг, балки кейинги йилларда Янги Ўзбекистоннинг халқаро майдонда юритаётган очик, прагматик ва ўзаро манфаатли ташқи сиёсатининг юксак эътирофидир.

Муносабат

Халқаро муносабатларда давлатнинг энг олий мукофоти хорижий давлат раҳбарига топшириш ўзаро ишончнинг энг юқори даражаси, икки мамлакат ўртасидаги муносабатларга берилган стратегик

сиёсий баҳо ва келгусидаги ҳамкорлик истикболларига қатъий ишонч ифодаси ҳисобланади. Шу маънода, Президентимизга “Олтин мўйна” орденининг топширилиши Ўзбекистон билан Грузия ўртасидаги муносабатлар янги босқичга кўтарилганини англатади.

Сўнгги йилларда Президентимиз раҳбарлигида мамлакатимиз ташқи сиёсатида мутлақо янги дипломатик муҳит шаклланди. Давлатимиз халқаро муносабатларда ўзаро ҳурмат ва манфаатлар мувозанатида асосланган ҳамкорликни устувор тамойил сифатида илгари сурмоқда. Бу ёндашув нафақат Марказий Осиё, балки Кавказ, Европа, Яқин Шарқ ва Осиё давлатлари билан муносабатларда ҳам ўзининг амалий натижаларини бермоқда.



иш иншоотининг иш бошлаганига 60 йилдан ошган. Йиллар ўтиб пойтахт кенгайиб борди ва шаҳар четида турган корхона ичкарида қолиб кетди. Юзлаб кўп қаватли уйлар бунёд этилди, аммо кунига пойтахтдан чиқиб келаётган 900 минг куб метрга яқин оқова сувни тозаловчи иншоотда кўп нарса ўзгариши йўқ.

Бу ҳақда ўтган йили “Халқ сўзи” газетасида таҳлилий мақола чоп этилганди. Уни ўқиб, қалбимизда умид уйғонганди. Бирок

кунлар, ойлар ўтса-да, бирор ўзгариш бўлмади. Тахририятдан суриштирдикки, ижодкорлар мавжуд муаммони бартараф этишни сўраб тегишли идораларга хат ҳам юборишибди. Афсус, мутасаддилар уни ҳам эътиборсиз қолдиришди. Кейинчалик газетада тегишли идораларнинг масъулиятсизлиги ҳақида ҳам ёзиб чиқишди. Аммо аҳолининг дарду ташвиши, журналистларнинг жонкуярлиги елга учганича қолаверди.



